

ii.<sup>c</sup> iiiii.<sup>xx</sup> xviii.

(...)

Pactes de mariage terracle  
marqueze.

Au nom dé dieu soict l( )**an**  
**mil six cens cinquante quatre** ét lé **vingt**  
**septiesme** jour du mois de( )**septembre** environ  
midy soubz lé regne de nostre souverain et  
tres chrestien prince louis quatorse du nom par  
la grace de dieu roy de france et dé navarre  
au **masage delz auriolz** consulat de( )villemur  
dioceze bas montauban et seneschaucee de( )tholose  
pardevant moy notaire soubzsigné et( )presans  
les tesmoingz bas nommés établis en  
personne **anthoine terracle filz a féu guillaume**  
**tisseran** du lieu **de varenes** viscomté dudict

.....  
villemur d( )une part & **anthoine marqués** et  
**peyronne marquese pere et filhe** d( )autre  
lesquelles parties de( )gré sur lé mariage traicté  
entre lesdictz terracle et peyronne marquese  
qué moyenant la grace de diéu s( )accomplira ont  
faictz les pactes suivans en premier liéu  
qu( )iceux terracle et marquese seront conjointz  
en mariage et solempniseront icelluy en face de  
l( )eglise catholique et appostolique romayne dont  
ilz font proffession a( )la premiere et seule requisi(ti)on  
dé l( )une ou de l( )autre les bans publiés et legitime  
empechemant cessant a( )faveur et contemplation  
duquel mariage et( )pour aidér a( )supportér les  
charges d( )icelluy ledict marqués pere a donné  
et constitué donne et constitue en dot et verquiere  
a( )ladicte peironne sa filhe et par consequand  
audict terracle fucteurs espoux la somme dé  
cent soixante livres t(ournoi)z deux robes a son uzage  
l( )une rase coulér pourpre et l( )autre drap gris  
de( )paisant un lict concistant en coitte coissin  
remplis suffisamant de plume une couverte  
layne blanche, quatre linseulz thoile de brin  
et une caisse bois de( )fau avec sa serrure

.....  
ii.<sup>c</sup> iiiii.<sup>xx</sup> xix.

et clef sçavoir quatre vingtz livres pour  
tous droictz maternelz et lé surplus pour tous

droictz paternelz paiable trente livres illec  
reallemant en escus blancz et autre monoye  
courant faisant icelle comptée embourcee  
et receue par ledict terracle au veu dé moy dict  
notaire et( )tesmoingz dont s( )est contenté les dictes  
robes licit linseulz et caisse lé jour dés  
espousailles et les cent trente livres restans  
a( )parfaire ladicte entiere constitution sçavoir  
quarante livres dans un an autrés quarante  
livres dans deux ans et cinquante livres  
dans trois années prochaines a compter dés  
huy sans intherest et receue qué ladicte entiere  
contitution soict par ledict terracle icelluy sera  
tenu dé la recognoistre et assignér ainsy que  
dors et desja par( )tant qu( )est de( )besoing par  
vertu dé cé contract la recognoist et assigne  
a ladicte perronne marquese sa fucteur expouse  
sur tous et chacuns ses biens presans et advenir  
pour luy estre randue et restitue ou autres a( )quy  
il appartiendra lé cas y escheant avéc le droict  
d( )augment quy est moityé moingz des sommes

.....

de deniers suivant les uz et coustumes dudict  
villemur selon lesquelles lés parties declarent  
faire les presans pactes et entendre estre telles  
assavoir qué la femme decedant plustost qué  
lé mary icelluy dem(e)ure jouissant pendant sa  
vie des cas dottaux de la femme et par lé contraire  
lé mary predecendant a la femme icelle a option  
dé repettér sa( )dot avéc ledict droict d( )augment  
duquel augment elle jouyt aussy sa vie durant  
ou bien en laissant l( )un et l( )autre de( )prendre pension  
et entretien sur lés biens du mary tant que  
vist viduellement soubz son vefvage selaon sa  
qualitte et portee desd(its) biens et outre cé luy  
appartiennent toutes sés robes bagues e(t )joyaux  
d( )ou qu( )iceux luy aient este donnés et a( )tenir  
de dessus ainsy stipulé par lés parties  
icelles chacune pour cé quy la concerne ont obliges  
tous leurs biens presans et advenir mesmes  
lesdictz fucteurs espoux leurs personnes pour  
l( )accomplissemant dudict mariage qu( )ont soubzmis  
aux rigueurs de( )justice avéc les renonciations  
requisés et l( )ont juré a( )dieu par seremant  
faict et passé **dans la maison du( )susdict**

.....

iii. °.

**marqués en presance de bernard bernard  
perastre jean bernard frere uterin anthoine  
malpel oncle dudict fucteur espoux raymond**

**maury viéux filz a( )féu anthoine marchand de  
de( )verlhac cousin d( )icelluy fucteur espoux  
pierre marques frere autre pierre marques  
oncle pierre chaubard beau frere jean viguiér  
cousin** de ladicte fucteure espouse, pierre boudy  
de varennes et jéan escrosailhes delz aurioz  
desquelz lesdictz jean bernard, malpel et  
maury ont signé véc moy no(tai)re lés autres  
tesmoingz et parties ont déclaré né scavoir

Bernard

Maury

Malpel

Custos, not(air)e r(oyal)

y a recognoissance  
de soixante  
livres une robe  
le lict couverte  
deux linseulz  
et une caisse  
receue par moy  
no(tai)re sur mon  
reg(ist)re ce  
**dix huictie(me)  
d'aoust mil six  
cens cinquante  
huict**

Custos, not(air)e r(oyal)